

連江縣志卷二十六

儒林

嘉慶志分傳有文苑無儒林蓋難乎其人也今取其精於經術及遂於儒先理解有著作者擴摭事實移綴補輯傳以傳之為後儒法

宋

周希孟字公闢其先侯官人祖駿遷於連生霖霖生希孟遂為連人學問淵博精通五經尤邃於易與陳襄陳烈鄭穆號海濱四先生州守連襄劉夔曹穎叔皆詣其學舍質問經義參考政教而蔡襄斷除巫蠱之害多其匡贊既而部使者相繼薦其賢詔賜粟帛授將仕郎試國子監四門助教嚴行規條作新士習雖童豎接見必以衣冠時陳烈為妻所誣提刑王陶詆之司馬光謂陳烈與周希孟陳襄鄭穆為友皆正直士也必不阿所好率諫官力爭之陶說不行其為名卿所取信如此後充福州府學教授上表力辭門下教授七百餘人希孟卒劉康夫曾伉等相與祠於五福寺著

連江縣志

卷二十六

宋儒林

十二

書四種詳藝文志

通志入儒林今從先憲移綴按通志儒林傳載希孟

周家坂駿生霖霖娶賴氏連嘉賢下里人希孟與駿並葬於治南龍果山又閱希孟傳記享年九十卒葬龍果牛坪山墓碑篆文刻皇宋助教周公之墓旁鐫紹興辛亥男萬頃立配林氏邑之上里人其為連人甚明

林謨字不顯始與呂祖謙同師林之奇而年長祖謙及祖謙講學金華謨往從之祖謙謂諸生曰此閩中瑞物也後欲謁朱文公自以貧且老不得

行聞鄉人有得文公學者必造問之無論晚輩郡文學以禮延致之數日

而歸日向違親而赴金華為道故也今又安能舍親為人耶兼采通志通

從先憲移綴

鄭鑑字自明號植齋透堡人簽判南州之孫也孝宗乾道間補太學生淳

熙初釋褐除太學正入對稱旨上謂龔茂良曰鄭鑑議論甚切遂調試館職鑑以納諫改過為上言數上封事其論近習劄子畧言臣自隆興之初

來遊太學聞有僥躁之士結託求進則士大夫鄙賤之如蛆蠅糞穢此四五年間宰執大臣始有出近習之門者而朝廷遂輕羣臣氣象之苟賤無

周希孟字公闢

閩中瑞物

鄭自明字

諫者莫能

恥不趨於此。則趨於彼者。什有七八。風俗人才。由此大壞。往往指奔競由徑者爲疎。通純實事君者爲介。僻近歲。又有甚焉。宰執大臣。則多近習之。宰執大臣。侍從臺諫。則多近習之。侍從臺諫。其餘臣僚。則多其鷹犬也。表裏相應。爲計甚切。使陛下於政賞刑罰之際。每日以爲獨斷不惑。而實在其術中。於近習欲薦一人。既於內臣私言之矣。乃使大臣明舉於外。大臣欲罪一人。既於外庭公言之矣。乃使近習陰主於內。兩者初若不相通。然而賢否是非常爲之。瞽亂至於意所欲爲。與意所不欲爲。言之俱有嫌也。則令其徒或因論對。或因奏事。陽爲一說。以獻聖明。及之而後。好惡盡如其意。不過相與覆護。行欺圖以利已耳。陛下萬幾倥偬。於此等事。豈暇一常加察哉。又言君命以近習而廢。國威以近習而損。主權以近習而分。邊將以近習而輕。士氣以近習而阻。軍政以近習而壞。人情以近習而駭。禮法以近習而亡。原其所以然。則公卿大夫不知義命。填然附之。而聖明或不覺悟。亦時假借以權。向來過惡未著。人猶敢言。今乃恣橫已甚。而宰

執侍從臺諫。無有一言及近習。以平時相與表裏故也。其陳述曲盡。多如此。上亦謂其策可取。除校書郎。遷著作郎。韓侂胄惡之。出知台州。陛辭。又以擊毬事。諫曰。臣聞嗜慾之害人。莫麗於子女。而陛下不好色。莫褻於鄭衛。而陛下常惡淫。莫急於口體。而陛下能菲衣糲食。凡世俗所爲。蓋未有動其心者。至毬鞠一事。非有聲色臭味之可以自娛樂也。前後諫者不知幾人。而陛下既輟復作何哉。臣知之矣。陛下負英毅神武。不世出之資。早夜撫髀太息。欲馳驅中原。而未之得。姑以是賈勇作氣。以舒暢其無聊不平之憤。而或者乃謂此實敗獵之習。初無助於講武。宜其屢諫而屢不聽也。雖然。天下之本在身。身安然後能治其國家。陛下爲宗廟社稷之主。陛下安則政事可修。恢復可期。而勳業可立矣。向日廷試進士。聞以毬鞠諫者亦多。未必皆能窺測宸意如何。然實出於草茅。平生愛君之誠。而陛下從事其間。勤勞聖體。中外惶恐。迨車駕朝於德壽。獲望清光。則退而欣然相告曰。此天地神祇之相吾君也。有如馬驚不測。或甚乎此。萬一乖於調

護則陛下大有為之志豈不易廢而難就哉書曰不作無益害有益功乃成臣謂陛下沈機遠畧當以賢否忠佞升黜進退兵民財賦多寡虛實者精思熟慮而力行之以待天時之至何乃直為此區區事也昔唐太宗以馬上得天下年少意銳固嘗遊戲於射獵之場其獵洛陽也至自拔劍斬豕唐儉諫曰陛下神武定四海豈快心乎一獸則為之罷獵其好騎射也孫伏伽諫曰天子居則九門行則警蹕非欲苟自尊嚴乃為社稷生民之計陛下自好走馬射的既非所以安養聖體又非儀型後世而帝悅之其逐兔苑中也教矢思力一突厥莫長耳遽進諫曰陛下以四海父母而自輕臣竊殆之後復逐鹿以思力固之而止今日公卿大夫以下非不知毬鞠之技至危至險一失其馳則有性命之虞比射獵猶有甚者願陛下常拒之而不納是以今皆安之而不敢諫也其所願望則以皇太子仁孝於視膳問安之時可以委曲致情而陛下嘗又令皇太子與之共馳騁焉則語言何由吐哉臣蒙被深恩益遠天顏竊惟事君之義內外無間懷此隱

連江縣志

卷二十六

宋儒林

十五

憂忘其忌諱惟陛下思復古之難審愛身之戒儲神穆清屏去無益使心莊體舒大正其本優悠閒暇以成大功則天下臣子之福疏入上稱善太子亦稱其切直至台卒於治所著書詳藝文志

宋寓賢朱文公祭文云

比一年以來上氣衰弱觀時俯仰無勢前却其心

自明之為人信哉所謂喧啾百鳥之羣忽見秋天之唯而無諤諤其心衣而巳有憂天下之心其指讓主人之羣忽見秋天之唯而無諤諤其心角其言明白切至磊磊落落憤激所為喜幸而心開邪黨所為虛心而折其歎羣公所為變容而駭愕善類所為喜幸而心開邪黨所為虛心而折其間而無作也夫何天稟乎其有不延奇禍一朝而遽作使前日之悲者喜親而喜者悲紛慶弔之何命之哀哉君昔過我寒泉之濱以語交情義日粵今茲之秋孟又札書以申之眷予心之惻歎實千載以爲一期而自足而赴來噉死而不忘跪陳精粹之悲詩忿百憂之來集惟平生之忠赤於詞與淚而俱揚嗚呼哀哉

陳德豫字子順登淳熙正奏調建州戶曹試教官分教宣城累遷諸軍糧

料院官終大理卿紹熙中因早求言德豫上封事以致災之由在諱天變諱人言乞去二諱以回天意識者躋之常有胡僧入覲錫子甚豐德豫歷

有衣有愛天下

有古諱日風

說陳情於一詞

詞如波而俱揚

二諱

陳德榜著藏
二行遺士

核舟古德

陳梁武之失。異端不足信。即日有旨。出胡僧於國門外。德豫少好學。博通諸子百家。而能不詭於正。在宣城時。方禁程氏學。甚嚴。命所在燬其書。郡學舊有二程遺文。獨護藏。惟謹。著書二種。詳藝文志。通志入儒林。今從先憲移綴。

陳德。一字長明。號橫舟。書隱。舜申長子。少穎異。貫通經史。紹熙壬子。侍宦巴東。以詞賦魁湖北漕。明年成正奏。試教官。分教京口。及溫陵。宗判皆以六經宗旨。口授諸生。雲集。尋宰建德。出所著易傳發微一書。梓以教人。嘉定間。為清潭郡丞。及宜陽守。皆以廉慈著。卒之日。家無長物。惟鋟成梨數千。搯柱閣上。棗而已。著書四種。詳藝文志。移綴文苑。

李琪。字孟開。彌遜孫。慶元間。以上舍釋褐。召拜館職。精胡氏春秋之學。所著書。詳藝文志。官至祭酒。移綴文苑。

鄭起。字叔起。號菊山。初名震。東導村人也。一作透堡人。少試禮部。不第。棄舉子業。潛心窮理。盡性之學。束躬修行。言動皆有法度。嘉定間。遊臨安。宰執聞其名。欲官之。起恥出私門恩。辭不就。淳祐四年。同太學諸生伏闕上書言

連江縣志

卷二十六

宋儒林

十六

南才德

丞相史嵩之姦慝狀。既又伏闕言水火災俱不報。賈似道平章軍國事。起與論得失。輒面折之。道為斂容。鄭清之再入相。起聞命下。登其門。大罵之。遂被執。下天府。越宿。京尹趙與籌陰縱之。清之仍令左右偵察瑕疵。將中以文法。歷二年。莫能得清之罷。事始寢。中年徙居西湖長橋。額其廬曰水南。半隱自為文。以記之。尋又挈家居吳門。學行日著。淮左浙右。爭延致焉。嘗主諸暨蕭山二學。又主和靜安定二書院。居久之。平江府尹聘為三高堂長。無錫縣令延至邑庠。開講。據坐。泉比深衣竹笏。講論性理。一時學者翕然宗之。稱為道學君子。嘗教思。肖曰。古未嘗有文也。聖賢心正身修。德備行粹。見於起居踐履。揖讓問答之間。無非至文。安事章句乎。其或紀行事之實。或發天理之秘。不得已而託於言語。無作文心。自漢以來。專意詞章。言浮於理。才聘於學。不身之以道。惟務言語為工。是委文為技。耳行者本也。文者末也。有行而無文。不失為君子。有文而無行。終歸於小人。汝其志之。年六十四卒。起為人方直。嚴毅。與公卿大夫交。言不及利。語不阿媚。

54

居家不蓄銀器不喜翫圖畫骨董唯世藏古今書數千卷著書四種詳藝文志並著易六十卦又有碑銘記序百餘篇遺稿多散佚子一卽思肖詳列傳女二其一爲尼通志入儒林今據菊山集兼采通志補綴

明

陳第字季立號一齋龍西舖人爲諸生時博極羣書而喜談兵嘉靖四十一年參將戚繼光征倭至連就第謀第爲定平倭策既而督府俞大猷召致幕中教以兵法因盡得韜鈴方畧大猷喜曰子當爲名將非一書生也大司馬譚綸薦起家京營裨將願得九邊最衝要地自効萬曆初出守古北口與互市時叛兵導黃台吉小妻大嬖只等挾賞數譚第購誅叛民陰結諸部腹心盡得其情以恩威操縱帖然就約漢莊數被寇殘破屯卒縱淫殺民夜聞犬吠則盡室竄時繼光爲總兵薦第擢車前營遊擊將軍駐漢莊延訪父老疾苦按誅悍卒明約束拔材武躬導以禮讓所部化之咸知自愛娼家竄名軍籍者皆陳牒求去娶娼者皆自乞離異奉檄采木關

連江縣志

卷二十六

明儒林

十七

外成列以出舉號笛麾登南山既復麾西北以尾爲首以奇爲正駐牧豪帥來觀莫不心折居薊鎮十年一作十年忤巡撫吳兌兌中以文法第歎曰吾投筆從戎髭髮盡白思爲國家定封疆成大計今不可爲矣遂拂衣歸養福建巡撫許孚遠金學曾等屢勸不就挾書遊兩粵吳浙齊晉楚宋聞焦竑金陵人字影侯老而嗜學裹糧之南都離經析疑竑自歎爲弗如乃益從竑借讀所未見書就竑談論間數歲一歸省墓歸數月輒復出如是者又十餘年踰七十復徧登五嶽浮洞庭彭蠡以歸萬曆四十八年卒壽七十有七生平儲書最富其後人所輯世善堂書目按書目題辭自署溫麻山農萬曆間連江陳第手自編定而其子若孫時時增益者也多唐五代遺書世所未見之本書目附刻知其說經言易起於一畫初未有文字也古今諸家皆言卦不言圖是舍本而尋末故作伏羲圖贊一筆圈成不待奇耦離析而萬一千五百二十策悉出自然又以詩本聲教宜可詠歌世人知文不知音何以被管絃奏朝廟因作毛詩古音攷其論學務審時義切日用不爲空言嘗謂言於妻子

陳一齋自署溫麻山農
世善堂書目

陳第者名不虛
非一書生也

戒悞說紫均後
李實上題且以洗
宋儒虛設之謝有
以見解而又擅詔
物在氏多物同書
不惟李美於南宋

言於僕婢皆道也。何必聚徒行於飲食行於坐臥皆道也。何必居位又言昔為諸生言戒懼實未嘗戒懼也。及為國家守邊百責攸萃年未四十髮白種種節俠氣盡危悚日深口不言戒懼而戒懼在茲。又言兢業在心所以兢業在事。今儒者曰兢業心體也。但保心體事為之末。無足介意。歧內外判心跡。故驚虛談無當實事。皆切中當時講學之弊。大宗伯錢謙益稱其學通五經而尤長易詩。著書十餘種。詳藝文志。子祖念。詳孝友。肇復。詳列傳。孫元鍾。詳文苑。三世皆有著述。志通入儒林今從先憲移綴

清陳潤字肅雨。彥弼次子。少負雋才。弱冠試有司。輒出曹輩。上雅不欲以制義名。時勤著述。應科舉不就。貢於鄉。益治儒先書。其大旨要羽翼傳疏。學使者粵東楊鍾岳新安汪薇若水沈涵中丞儀封張伯行迭深賞之。著書七種。詳藝文志。移綴文苑鄭宗堯字嗣勳。性孝友。父早喪。哀毀骨立。所僦屋陋。其弟有謀別構者。宗堯曰。先人窀穸未安。遑謀安乎。竭貲葬其父。乃已。嘗有祖遺祠。後隙地族屬請售以拓寢室。宗堯不受。直輒揮斥以獻。族人大悅。初援例入監。與邑中章廷烈孫拱極為文字友。讀書沉酣六籍。理解尤邃。以五經應雍正壬子鄉試。獲副車。著書四種。詳藝文志。杭堇浦世駿謂其循庸行而不鈞奇。為文卓詭切至。而宗於經為作華泉居士傳。蓋宗堯嘗讀書玉泉寶華二山。不沒其自號云。通志嘉慶志均入文苑今從嘉慶志移綴吳元龍字允蟠。浮曦人。其先以從軍屯於連之建興里。因為曦江吳氏宗。元龍天賦亮特。而命意過人。於學無所不窺。於名下時賢無所不友。三山陳元運者奇士也。俗疑其孤僻。元龍延至家。師事之。乾隆辛酉舉於鄉。細載上公車計。從此讀書中祕。下第。遂傾囊購異書。歸杜門不出。味道覃思。自陰陽律歷渾天象緯及營壁布陣洗海防邊諸要畧。昕夕從元運口授。心得。皆洞見其所以然。又慨後世經生不能追企孔孟心源。使聖賢有體有用之書。化為臭腐。常談為可憫也。著書十一種。詳藝文志。道樞經存書。

連江縣志

卷二十六

明清儒林

十八

孝弟居士傳

陳元運固奇士也
其抑鬱亦元龍其非
即如陳之有美可謂
得一知也矣

二種尤多經歲月自擬與宋五子同功生平以學問友朋爲性命於元運則服勤至死手紀其喪辦香於曦江山房祀之元運死未久元龍亦抱病卒年五十六移綴文苑